



UNIVERSITÄTS-  
BIBLIOTHEK  
PADERBORN

**Jus Canonicvm R.P. Pavli Laymanni, Soc: Jesu Theologi, Et  
Olim In Alma Et Episcopali Academia Dilingana SS.  
Canonum Ordinarii Professoris**

**Laymann, Paul**

**Dilingæ, 1666**

Capitvlm VII. Quanto.

---

[urn:nbn:de:hbz:466:1-62559](#)

ait. Sed illi conquerentes apud Pontif. de iniusta excommunicatione, impetravunt literas ad Iudices delegatos, vt si sita esset, absoluuerentur, & causa postmodum cognosceretur, iuxta c. cum continet, 36. de officiis delegati. Absoluti fuerunt, sed postea, non vti oportebat, à delegatis in causa processum ad testium receptionem &c. quare illi in nefarij incestu sermine perfuerant, & causa debitum sicut non assequitur. Hoc casu, ait Cœlestinus III. posse Episcopum sceleratos illos in criminis persistentes denuo excommunicare, neque iterum absoluendos fore, donec testium receptione, & alia ad causam processum pertinentia legitimè peracta sint: propterea quod homines illi ex dolosu commodum referre nō debeant; neq; ex delegatorum Iudicium desidia aut malitia peccati sui suffragium consequi.

## SUMMARIUM.

1. *Quotiescumque agitur de peccato publico & scandaloso tollendo, Ordinarius delegatorum Iudicium desidiam vel malitiam supplere potest, quatenus necessarium est ad amouendum peccatum.*
2. *Abutens beneficio absolutionis ab excommunicatione, quam ante litem obtinuit, & in eandem reincidens, non est absolvendus, donec causa transacta sit.*
3. *Scienter contrahentes intra quartum consanguinitatis aut affinitatis gradus, vel cum moniali, ipso facto excommunicationem incurrit.*

## CAPITVLVM VII.

## Quanto.

## PARAPHRASIS.

Religiosi quidam, cum pecuniā collegissene ex redditibus beneficiorum, quę vt obedientiarij administraverant, à claustro se subducentes, in Principum ac potentum virorum curijs vagabantur. Eo intellecto Innoc. III. scribit Archiepiscopo Ausitanus.

Tete 2. f

Si tales in prouincia sua repererit, quod monere debeat Abbates, ut illos ad claustrum reducant, & quae ut propria possidebant, in manibus ipsorum resignent, convertenda in utilitatem Monasterij, secundum eorundem Abbatum consilium: Sin autem Abbates, post monitionem id facere neglexerint, tum ipsemet Archiepiscopus, tanquam Ordinarius loci, Monachos per suspensionem officij ac beneficij, ad ea quae dicta sunt, remota appellatione, compellat. Videri etiam potest Clem. i. §. Quia vero, de statu Monach.

## SUMMARIUM.

1. Quae Religiosus etiam propriâ parsimoniâ acquirit, absque Praelati licentia rationabili, seruare non potest.
2. Correctio Regularium primo loco ad Abbatem, aliamue Praepositum regolare spectat, & quoque negligente ad Episcopum.
3. Exempti Regulares in omnibus causis criminalibus subsunt iurisdictioni & correctioni Praelatorum regularium, exceptis quibusdam specialibus casibus.
4. Regulares non exempti duos Superiores habent, Ordinis Praelatum, & Episcopum: illi quidem ratione voti obedientia in ipsius, qua regularem obseruantiam & disciplinam concernunt; huic autem subsunt, ut aliqui clericis legi iurisdictionis.
5. In ciuilibus causis, ut si Religiosus debitor fiat, coram Episcopo judicialiter conueniendus erit.

**N**O T A N D V M I. Quae Religiosus, etiam propriâ parsimoniâ acquirit, seruare non potest absque Praelati rationabili licentia; cum ad Monasterium pertineat, c. non dicatis, 11. causa 12. q. 1. c. 2. c. cum ad Monasterium, 6. de statu Monachorum Casus est iste: Religiosus à Praelato suo deputatus est Vicarius alicui parochiae seculari Monasterio incorporatae, assignatis ad vietum eius certa redditum portione, si postea ad Monasterium reuocetur, pecunias; & alia quae collegit, etiam genium suum defraudans, retinere non potest, sed Monasterio relinquere debet, secundum Abbatis voluntatem ac dispositionem distribuenda.

Sin autem regularis alicui beneficio seculari, vel regulari, v.g. prioratu praefectus sit, cuius reditus nō sunt incorporati Monasterio aut Abbatis mensæ, tunc reditus superflui seu i.

Regulari beneficiario non absumpti, pertinent ad beneficium, seu Ecclesiam, cui servit, ut obseruat hic Abb. n. 2. Nauar. comment. 2. de Regular. n. 6. & dixi lib. 4. Th. morat. 5. c. 7. n. 17. & 18.

**N**O T A N D V M II. Correctio Regularium primolo ad Abbatem, aliamue Praepositum regolare spectat, & quoque negligente ad Episcopum. Ita Gl. magna communiter recepta. Sed, ut haec res plene intelligatur, ita distinguendum est ex doctrina innocent. hic num 1. Abbat. num 3. Velloquimur de exemptis, vel de non exemptis. Exempti in omnibus causis criminalibus subsunt iurisdictioni, & correctioni Praelatorum regularium, exceptis casibus quibusdam specialibus.

I. Est in sess. 6. Trident. c. 3. de reformat. Quod regularis extra Monasterium, seu conuentualem domum aut residentiam degens, ab Ordinario loci, tanquam Apostolice Sedis delegato visitari, corrigi, ac puniri possit. Existimat vero Sanchez lib. 7. de matrim. disp. 33. n. 23. Episcopos non possunt censuras ferre in Regulares exceptos, nisi hoc ipsum eis peculiariter concessum sit; idque propter Mendicantium priuilegia, ne a quoquis Ordinario loci excommunicari, suspendi, aut interdicti possint, arg. c. 1. de priuilegiis in 6.

II. Est in sess. 25. c. 1. 4. de Regul. Si Regularis exemptus in Monasterio degens, extra claustrum deliquerit, ita ut populo scandalo sit, Episcopus tempus praefigere potest Praelato Ordinis, intra quod reus ille fuerit puniatur, & de punitione Episcopus certior fiat: sin id intermitat Praelatus, & Superiore suo officio priuetur, & Regularis, qui deliquerit ab Episcopo puniatur. Videri potest Barbosa de offic. Episc. p. 3. alleg. 105. n. 19. & 20.

III. In sess. 25. c. 4. de Regular. Vbi prohibetur, ne Religiosus sine licentia Superiori

oris à suo Conuentu recedat, etiam prætextu accedendi ad Superiores suos, nisi ab ijs vocatus sit: alioquin ab Ordinario loci, tanquam desertor Instituti puniatur. Excipi tamen debet; nisi ex graui & iusta causa ad superiorem Prælatum se conferat, vt quia ab immediato Prælato iniustè grauatur, vti docet Nau, comment. 2. de Regul. n. 61. Rodriq. tom. 2. Regul. q. 30. a. 3.

IV. Est in eodem c. 4. Quod qui studiorum causâ ad Vniueritatem mittuntur, in Conuentibus habitare debeant; alioquin ab Ordinariis cōtra eos procedi possit. His adde; Quod professus, seu Religiosus quilibet excommunicationis sententiam ipso facto incurrat, si absque Prælati licentia, cum consilio Conuentus, aut maioris partis, ad quævis studia extra Monasterium se confert. 2. Ne Clerici, vel Monachi, in 6. De quo videri potest Sanch. tom. 2. moral. lib. 7. c. 8. n. 72.

V. Est in sess. 7. c. 15. de reform. In ciuitibus causis mercedum, & personarum misericordia, Regulares, etiam exempti, si extra monasterium, seu Conuentum regularem degant, coram locorum Ordinariis tanquam à Sede Apostolica delegatis, conueniri, & ad debitum soluendum iustitia exigente compelli possunt.

VI. In causa hæresis, aut similibus crimibus ad tribunal sanctæ inquisitionis pertinentibus Regulares exempti subsunt iurisdictioni Ordinariorum, si in ijs locis Inquisidores non sint, vti suprà dixi.

VII. Ordinarii locorum, etiam Regulares exemptos, si Ecclesiis curatas quantumvis exemptas obtineant, compellere possunt, si quis videatur, etiam per censuras, vt diebus saltem Dominicis, & festis solemnis plebem sibi commissam salutari verbo pascant.

Additur I. Quod Regulares cuiuscunque Ordinis, neque in ipsis Ordinum Ecclesiis prædicare possint, nisi se Episcopo, cum licentia & approbatione Superioris sui se presentarint; & quod benedictionem accipere teneantur, antequam prædicare incipient. Additur II. Si Prædictor errores, aut scandala disseminer in populum, Episcopus

ei prædicationem interdicere; sin autem etiam hæreses prædicatorum, Episcopus contra eum, si exemptus sit, tanquam Apostolicæ Sedis delegatus procedere debet. Vide etiam Sess. 24. c. 1. de reform. vers. nullus. & decreto Gregor. XV. quod incipit: *Inscrutabilis.*

VIII. In Trident. Sess. 24. c. 1. de reform. matrim. Si regularis alterius parochiæ sponsos sine proprij parochi licentia matrimonio coniungere, aut benedicere ausus fuerit, ipso iure tamdiu suspensus manet, donec ab Ordinario eius loci absoluatur.

IX. In Trident. Sess. 25. c. 16. de Regulari. Quod Episcopi regulares quoquaque etiam per censuras compellere possint, ne quidquam ex bonis Novitij accipiant; & vt acceptum abeunti ante professionem restituant. Ita Rodriq. tom. 2. q. 64. a. 11. Sanchez lib. 7. de matrim. disp. 33. n. 23.

X. Eadem Sess. 25. c. 5. de Regularibus; Episcopi, tanquam Sedis Apostolicae delegati, etiam per censuras compellere possunt Moniales exemptas ad clausuram seruādam. Neque ipsis post professionem ex Monasterio egredi concessum est, nisi ex causa legitima ab Episcopo approbanda.

XI. In Trident. Sess. 22. decreto de vi-tandis, & obseruandis circa celebrat. missæ: Quod Episcopi & Sedis Apostolicae delegati, etiam per censuras procedere possint contra exemptos, si in oratorijs priuatis, aut horis non debitis celebrent; & cogere eos, vt quæcumque superstitiones ablegent.

XII. In Sess. 24. c. 1. de reform. Quod ad synodum, que quotannis ab Episcopis institui deberet, exempti omnes, qui alias, celsante exemptione, interesse deberent, nec Capitulis generalibus subduntur, accedere teneantur. Ratione vero Ecclesiarum secularium, annexarum Monasterijs exemptis, quicunq; illarum curam gerunt, Synodo interesse cogantur. Vide quod dixi in c. 2.

XIII. In Trident. Sess. 25. c. 12. de reform. Censura & interdicta, à Sede Apostolica emanantia, velab Ordinariis promulgata Regulares in Ecclesiis suis, Episcopo precepiente, publicare ac seruare debent. Dies

Tttt item

item festos, quos in diœcesi seruandos Episcopus præceperit, Regulares etiam exempti obseruare coguntur. Vide Rodriq. tom. 2.

q.71.a.1.

XIV. Regulares etiam exempti ad publicas processiones vocati, accedere debent. Controversias quoque, quæ in processionibus, aut defunctorum corporibus sepelientium scandalo interdum oriuntur, Episcopi componere debent.

XV. In Regulares confessarios, & Administratores Bonorum Monasteriorum, Monialium, etiam exemptarum, Episcopis potestas concessa est à Greg. XV. Papa cit. decreto Inscrutabili: Et ut Episcopus vna cum Prælatis seu superioribus Regularibus electioni Abbatissæ, seu Præpositæ per se vel suum delegatum præsidere possit.

XVI. Regulares, etiam exempti, si sint testamentorum executores, ab Episcopo compelli possunt ad rationem ipsi reddendam, &, si male gesserint, ab eodem puniri, iuxta Clem. Vn. de testam. & tradit ex communione Barbosa p. 3. allegat. 82. n. 34.

Quod verò attinet ad Regulares non exemptos, ij duos Superiores habent, Ordinis Prælatum, & Episcopum. Sed discriminis est, quod Prælato Ordinis obediunt teneantur ratione voti obedientiæ, in ijs videlicet. quæ ad regulares obseruationes, & disciplinam Monasterij pertinent: quare in his magis est obediendum Prælato, quam Episcopo, iuxta doctrinam S. Th. in 2. d. 44. in fine, in exp. literæ, ad 3. Innoc. hic n. 2. Abb. n. 5. & explicant Syl. yer. obedientia, q. 9. Sanch. lib. 6. moral. c. 1. n. 12. & dixi de hoc in c. ad aures, 5. de tempor. ordinat. Atque adeo Prælatus Ordinis potestatem habet subditos suos regulares ad regularem disciplinam adigendi, vt contumaces & incorrigibiles ejuscere queat, vti Innoc. Abb. Syl. tradunt cit. locis. At verò Episcopo Regulares subsunt non ratione voti, sed vt alij Clerici iurisdictionis legi subiecti sunt, vti dixi in qq. disput. de elect. q. 227. Quare in ijs, quæ ad ecclesiasticam disciplinam attinent, & quoad punitionem criminum graviorum, præscriptum quæ depositum

tionem merentur, propriè & directè subiecti sunt Episcopo; cum etiam ipsi Prelati non exempti in his subsint, vt adiutorij Syl. ver. obedientia, q. 10. dicto 2. Abb. in c. repet. si quis contra, n. 51. de foro compet. Sanc. cit. loco, & alij.

Cæterum, si Prælatus Monasterij non exempti negligens sit in regulari disciplinam obseruanda, & quotidianis lapsibus puniendis, nemo dubitat, ad Episcopum pertinere iurisdictionis huius exercitum. Nam ob causam monasteria visitat, & inquirit, utrum regula Ordinis obseruetur, morum ac disciplinæ integritas vigeat: alioquin frustanea fermè esset subiectio Monasteriorum erga Episcopum, nisi tali potestate prædictus esset, sicuti rectè ostendit Suar. de Reg. tom. 3. lib. 10. c. 11. n. 15. Quod verò ibidem ait, quamvis dubius, Religiosos non exemptos Episcopo subesse non tantum secundum potestatem iurisdictionis, quam habet ergo moniales ecclesiasticas personas, vt eas ad officium, & quæ ad salutem conuenientia sunt, adiungat, sed etiam ratione voti obedientie, quod probabilitate arbitratur, non tantum Ordinis Prælato fieri, sed etiam Episcopo; id à D. alijs non recipitur; quare nec credibile est, talem esse vocationis intentionem, aut Ecclesiæ praxin.

In ciuilibus autem causis, si Religiosus v.g. in Academia studiorum causa degès debitor fiat, coram Episcopo potius judiciorum conueniri debet, quam coram Abbat. quia is esset iudex in facto proprio, cum solutio ex bonis monasterij fieri debeat. Si autem monasterium, ad quod professus pertinet, & ex cuius bonis solutio fieri docebitur, subiectum sit Abbatii alterius monasterij, coram ipso & quæ ac coram Episcopo conueniri poterit. Quare hoc casu Episcopus & Abbas concurrunt in iurisdictione, vti Innoc.

& Abb. hic n. 5. docent. Videri potest idem Abb. in c. repetit. si quis contra, num. 50. de foro compet.

CAP.